



Na osnovu člana 68. stav 4. i) i 70. st. 1. 4. i 6. Zakona o javnim nabavkama („Službeni glasnik BiH“, broj 39/14), i čl. 10. stav 1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu E-nabavke, u konkurentskom zahtjevu za dostavu ponuda za nabavku, isporuku i montažu kontejnera za provođenje preventivnih i hitnih mjera u cilju sprečavanja pandemije COVID-19, Gradonačelnik donosi:

ODLUKU o poništenju postupka javne nabavke

Član 1.

Poništava se konkurentski zahtjev za dostavu ponuda za nabavku, isporuku i montažu kontejnera za provođenje preventivnih i hitnih mjera u cilju sprečavanja pandemije COVID-19, iz razloga što ponuđač nije preuzeo tendersku dokumentaciju sa portala javnih nabavki kako je predvidio ugovorni organ, a u skladu sa članom 68. stav 4. i) i 70. st. 1. 4. i 6. Zakona o javnim nabavkama i čl. 10. stav 1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu E-nabavke.

Član 2.

Za izvršenje ove odluke zadužuje se i ovlašćuje Služba za finansije.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-23453/21 od 15.11.2021. godine. Obavještenje o nabavci broj: 1355-7-1-372-3-169/21 objavljeno je na Portalu javnih nabavki dana 24.11.2021. godine.

Procijenjena vrijednost za predmetnu nabavku iznosila je 47.000,00 KM bez PDV-a.

U krajnjem roku za dostavu ponuda, Ugovorni organ zaprimio je jednu ponudu i to ponuđača ALMY-GRADNJA d.o.o. ZENICA u vrijednosti od 60.000,00 KM bez PDV-a. Ponuđač nije preuzeo tendersku dokumentaciju sa portala javnih nabavki, a što je vidljivo iz izvještaja o preuzimanju tenderske dokumentacije od strane ponuđača. S obzirom da je ugovorni organ tendersku dokumentaciju objavio u sistemu E-nabavke to postaje jedini mogući način preuzimanja tenderske dokumentacije u ovom postupku, stoga ponuda ponuđača koji nije preuzeo tendersku dokumentaciju na predviđen način ne može biti predmet pregleda i ocjene ponuda. S obzirom na navedeno, ugovorni organ poništava postupak javne nabavke u skladu sa članom 68. stav 4. tačka i) Zakona o javnim nabavkama i člana 10. stav 1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu E-nabavke.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba za finansije, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-23453-2/21

Datum: 21.12.2021. godine

DOSTAVLJENO :

- 1 x Ponuđač
- 1 x Služba za finansije
- 1 x Tenderska dokumentacija
- 1 x a/a



GRADONAČELNIK:

Fuad Kasumović